

說  
郭

正六十一

イ曾12  
6  
61





特  
412  
6  
61



說郛目錄

弓第六十一

三秦記 辛氏

長安志 宋敏求

關中記 潘岳

洛陽記 陸機

梁州記 劉澄之

梁京寺記

宜都記 袁崧



說郛目錄 卷第六十一



益州記 任豫

荊州記 盛弘之

湘中記 羅合

武陵記 鮑堅

漢南記 張瑩

南雍州記 王韶

安城記 王孚

南康記 鄧德明

潯陽記 張僧鑒

鄱陽記 劉澄之

九江志 何晏

丹陽記 山謙之

會稽記 孔暉

永嘉郡記 鄭緝之

三齊畧記 伏琛

南越志 沈懷遠

廣州記 顧微

廣志 郭義恭



言身目錄  
番禺雜記 鄭熊

始興記 王韶

林邑記

涼州記 段龜龍

交州記 劉欣期

沙州記 段國

三秦記

辛氏

山陵

秦名天子冢曰長山漢曰陵故通名山陵

地布

驪山始皇陵作地布生死人交易布平不得欺死人

云秦王地布有折馬利

太白山

太白山不知高幾許俗云武功太白去天三百山下





軍行不得鳴鼓角鳴鼓角則疾風暴雨兼至也

### 隴坂

隴西閔其阪九迴不知高幾里欲上者七日乃越高處可容百餘家下處數十萬戶其上有清水四注俗歌曰隴頭流水鳴聲幽咽遙望秦川心肝不絕去長安十里望秦川如帶閔中人上隴者還望故鄉悲思而歌則有絕死者

### 沙角

河西有沙角山峯嶸危峻逾於石山其沙粒麤色黃

有如乾糲又山之陽有一泉云是沙井綿歷今古沙不填足人欲登峯必步下入穴卽有鼓角之音震動人足

### 溫泉

驪山湯泉舊說以牲祭乃得入可以去疾消病俗云秦始皇與神女遊而忤其旨神女唾之則生瘡始皇怖謝神女爲出溫泉而洗除後人因以爲驗

### 蘭池

秦始皇作長池引渭水東西二百里南北二十里築



三秦言  
土爲蓬萊山刻石爲鯨魚長二百丈

城赤色

長安城中地皆黑壤今城赤何也且堅如石如金父老相傳云盡鑿龍首山中土以爲城及諸城闕亦然

織錦城

梁山宮在好時城皆文石名織錦城

未央

未央一名紫微宮

桂宮

有如乾構又山之陽有一泉云是沙井綿歷今古沙不填足人欲登峯必步下入穴卽有鼓角之音震動人足

溫泉

驪山湯泉舊說以牲祭乃得入可以去疾消病俗云秦始皇與神女遊而忤其旨神女唾之則生瘡始皇怖謝神女爲出溫泉而洗除後人因以爲驗

蘭池

秦始皇作長池引渭水東西二百里南北二十里築



土爲蓬萊山刻石爲鯨魚長二百丈

城赤色

長安城中地皆黑壤今城赤何也且堅如石如金父老相傳云盡鑿龍首山中土以爲城及諸城闕亦然

織錦城

梁山宮在好畤城皆文石名織錦城

未央

未央一名紫微宮

桂宮

未央宮漸臺西有桂宮中有明光殿皆金玉珠璣爲

簾箔綴明月珠金砌玉階晝夜光明

豹林谷

在子午谷

鳳凰闕

栢梁臺有桐鳳因名鳳闕

韋曲

在皇子陂之西

杜門



卽青門

子午

子午長安正南山名

始平

長安城北有始平原數百里無山川湖水其民井汲  
巢居井深五十丈有伯夷墓人食薇可常食或云夷  
叔食三年顏色如故

白鹿

周平王東遷有白鹿遊於此原以是得名蓋秦運之

象

桃林

桃林塞在長安東四百里若有軍馬經過好行則牧  
華山休息林下惡行則決河漫延人馬不得過矣



長安志

宋 宋敏求

結麟樓七聖紀曰鬱華赤文與日同居結麟黃文與  
月同居鬱華日精結麟月精又太上黃庭內景玉經  
曰高奔日月吾上道鬱儀結麟善相保梁丘子注曰  
鬱儀奔日之仙結麟奔月之仙六典作結麟未知從  
何字

驪山在縣東南二里驪戎來居此山按上地紀曰卽  
藍田山也天寶元年更驪山曰會昌山七載又改曰



昭應山

公泉爲陂十道志曰有五漢陂陂魚甚美固誤名之唐寶曆二年勅漢陂令尚食使收管不得雜人採捕其水任百姓溉灌勿令廢碾磴之用文宗初詔並還府縣

大明宮高宗命司農少卿梁孝仁製造北據高原南望爽磴每天晴日朗南望終南山如指掌京城坊市街陌俯視如在檻內

隋煬帝在藩舊宅武德中賜尚書左僕射蕭瑀西爲少陵原南接終南北至滻水卽漢鴻固原也宣帝許后葬於此俗號少陵原

韋嗣立營構別業于驪山鳳凰原鸚鵡谷有重崖洞壑飛流瀑水中宗親往幸焉因封嗣立逍遙公名其園後瑀子銳尚襄城公主詔別營王第主驪以姑婦異居有垂禮則因固陳請乃取園地充主第又驪公主榮戟不欲異門乃併施瑀之院門



關中記

晉 潘岳

長安地皆黑壤城今赤如火堅如石父老所傳蓋鑿  
龍首山土爲城又諸臺闕亦爾終南山一名中南言  
在天中居都之南故關中曰南

昆明池曰神池靈沼堯治水訖停船此池蓋堯已有  
池漢代因而深廣之

涇與渭洛爲關中三川與渭灞滻澇澧瀉瀉爲關中  
八水



未央宮周旋三十三里街道十七里有臺三十二池  
十二土山四宮殿門八十一掖門十四宮殿及臺皆  
疏龍首山上以作之殿基出長安城上非築也  
未央宮東有鴛鴦殿

宣帝少依許氏長於杜縣樂之後葬於南原立廟於  
曲池之北亭曰樂遊原

龍首山首枕渭之南岸尾達樊川首高尾下在長安  
城南

漢築長安城及營宮殿咸以堙平至今坊市北據高  
原南望爽塏視終南如指掌



洛陽記

晉 陸機

洛陽城周公所制東西十里南北十三里城上百步  
有一樓櫓外有溝渠

洛陽城內西北角有金墉城東北角有樓高百尺魏  
文帝造也

雲臺高閣十四間乘風觀閣十二間

洛陽南宮有承風觀北宮有增喜觀城外有宣陽觀  
千秋鴻地泉城揚威石樓等觀城外有鼎中觀



宮中有臨高陵雲宣曲廣望闐風萬世修齡總章聽  
訟凡九觀皆高十六七丈雲母窓日曜之有光

三市大市名也金市在大城西南市在大城南馬市  
在大城東按金市名商觀西笕爲金故曰金市

銅駝街在洛陽宮南金馬門外人物繁盛俗語云金  
馬門外聚群賢銅駝街上集少年

漢洛陽西關東成臯關南伊闕關西函谷關北孟津

關

城南五十里有大谷舊名通谷

紫微宮有一柱觀



梁州記

晉 劉澄之

武侯壘

武侯壘東南有定軍山八十餘里有諸葛武侯墓鍾  
會征蜀至漢州祭亮之墓令軍士不得於墓芻牧樵  
采今松柏碑銘儼然

白水關

關城西南百八十里有白水關固解印綬處也

溫泉



漢水南有溫泉周圍數千步冬夏常沸涌若湯其熱可熟雞子

盟壇

沔陽城在漢水南舊蕭何所築也劉備爲漢王權住此城盟於城下今門外有盟壇猶存

諸葛井

諸葛亮宅有井深四尺餘口廣一尺五寸累磚如初開云

雁塞

梁州縣界有雁塞山傳云此山有大池水鴈棲集之故因名曰鴈塞



梁京寺記

闕名

小莊嚴寺

梁小莊嚴寺在建業定陰里本是晉零陵王廟地天  
監六年度禪師起造時有邵文立者世以烹屠爲業  
嘗欲殺一鹿鹿跪而流淚以爲不祥鹿懷一麀尋當  
產育就庖哀切同被剝割因斯患疾眉鬚皆落身瘡  
並壞後乃深起悔責求道度禪師發大誓願罄捨家  
資廻買此地爲立伽藍



同泰寺

梁武帝改年號大同起同泰寺在臺城內窮竭帑藏造大佛閣七層為火所焚武帝捨身施財以祈佛福自大通以後無年不幸

興國禪寺

梁武帝天監十三年以錢二十萬易定林前前岡獨龍阜以塋誌公永定公主以湯沐之資造浮圖五級於其上十四年即塔前建開善寺

昇元寺

昇元寺即瓦棺寺也在城西隅瞰江面後踞崇岡最為古跡累經兵火畧無彷彿李王時昇元閣猶在乃梁朝故物

大愛敬寺

梁武帝普通元年造在蔣山之北高峯上

法寶寺

梁同泰寺基之半也建康剝錄梁武帝大通元年創同泰寺寺處宮後別開一門名大通門帝晨夕講議多遊此門



法光寺

卽梁之蕭帝寺舊傳天監十三年造元絳寺記云不知從昔之名故後人以帝氏目之

寶林寺

梁天監中武帝與寶公同遊此山見林巒殊勝命建精藍

長于寺

建康南五里有山岡其間平地庶民雜居有大長于小長于東長于並是地名小長于在瓦棺寺南巷西

頭出大江梁初起長于寺



宜都記

袁崧

銀山縣有溫泉注大溪夏纔煖冬則大熱上常有霧氣百病久疾入此多愈

獸牙山有石壁其文黃赤色有牙齒形勾

限山縣東六十里有山名下魚城四面絕崖唯兩道可上皆險絕山上周迴可二十里有林木池水人田種於山上昔永嘉亂土人登此避賊守之經年食盡取池魚擲下與賊以示不窮賊遂退散因此名爲下



魚城

峽中猿鳴至清山谷傳其嚮泠泠不絕行者歌之曰  
巴東三峽猿鳴悲猿鳴三聲淚沾衣

自西陵沂江西北行三十里入峽山行周圍隱映如  
絕復通高山重障非日十里半不見日月也

西陵江南岸有山孤秀從江中仰望壁立峻絕人自  
山南上至其嶺嶺容十許人四面望諸山畧盡其勢  
俯臨大江如縈帶焉視舟船如鳧鴈矣

宜都山絕崖壁立數百丈有一大燼插其崖間望可  
也  
長數尺傳云堯洪水人泊船此旁爨餘故曰插窳崖



益州記

任豫

江西左擔道按圖在陰平縣北於成都爲西注曰其  
道至險自北來者擔在左肩不得度右肩也  
姜維抗鍾會故壘其山峭壁千丈下臨絕澗  
雁橋東君平賣卜土臺局高數丈  
魚蛇水東北自陵州界入青神縣界  
龍盤山有一石長四十丈高五丈當有戶及扉若人  
掩閉古老相傳爲玉女房



益州城張儀所築錦城在州南蜀時故宮也其處號錦里

江由左擔道按圖在陰平縣北於城都爲西其道至險自北來者擔在左肩不得度擔也鄧艾束馬懸車之處

葭盟縣十里有刀鑲山赤銅水出焉

金山東臨澗水光照映川

東隅西隅南隅三山相對又曰三隅山去陵井一里也

五城縣西南六十里有銅宮山高出衆峯

南充縣西南六十里有昆井鹽井又曰雞郵神在相如縣東次北下步有雞郵溪因此而爲之名

伏犀灘東南六十里有黃魚像岸今在夔道縣界又曰龍騰溪水源出南溪縣

黃葛峽有相思崖芳泉周灌俗謂之神窟

司馬相如宅在州西笮橋北百許步李膺云市橋西二百步得相如舊宅今梅安寺南有琴臺故墟



荊州記

晉 盛弘之

衡山有三峰極秀一峰名芙蓉峰最爲竦桀自非清  
霽素朝不可望見峰上有泉飛派如一幅絹分映青  
林直注山下

巴陵南有青草湖周迴百里日月出沒其中湖南有  
青草山故因爲名

宜都西陵峽中有黄牛山江湍紆迴途經信宿猶望  
見之行者語曰朝發黄牛暮宿黄牛三朝三暮黄牛



如故

緣城邊隄悉植細柳綠條散風青陰交

雁塞北接陽州汶陽郡其間東西嶺屬天無際雁飛  
翥至此卽回翼唯一處稍下每雁飛達則矯翼裁度  
下處而過故名雁塞

武陵武陽縣有石帆山若數百幅帆

隨郡北界有九井相傳神農旣育九井自穿又云浚  
一井則衆井水皆動

巴東有一折柱孤直高三丈大十圍傳云是公孫述

榷柱破之血出枯而不朽

湖陽縣春秋蓼國樊重之邑也重母畏雷爲石室避  
之悉以文石爲堦砌今猶存

狼山縣有一山獨立峻絕西北有石穴以獨行百步  
許二大石其門相去一丈許俗名其一爲陽石一爲  
陰石水旱爲災鞭陽石則雨鞭陰石則晴

湘東有雨母山山有祠壇每祈禱無不降澤以是名  
之

來陽縣有雨瀨此縣時旱百姓共壅塞之甘雨普降



若一鄉獨壅雨亦偏降應隨方所其信若符刻  
小酉山石穴中有書千卷相傳秦人於此而學因雷  
故梁湘東王云訪酉陽之逸典是也

南陽有菊水其源旁悉芳菊水極甘馨又中有三十  
家不復穿井卽飲此水上壽百二十三中壽百餘  
七十猶以爲夭漢司空王暢太傅袁隗爲南陽令縣  
月送三十餘石飲食澡浴悉用之太尉胡廣父患風  
羸南陽恒汲飲水此疾遂瘳此菊短葩大食之甘美  
異於餘菊廣又收其實種之京師遂處處傳置之

筑陽縣粉水源出房陵取其水爲粉鮮潔異於餘水  
矣

枝江縣西至上明東及江津其中有九十九洲楚諺  
曰洲不滿百故不出王者桓玄有問鼎之志乃增一  
爲兩以克百數僭號旬時身屠宗滅及其傾覆洲亦  
消毀至宋文帝在藩忽生一洲果龍飛酒表元兇之  
禍此洲還沒

新陽縣惠澤中有溫泉冬月未至數里遙望白氣浮  
蒸如烟上下采映壯若綺䟽又有車輪雙轆形世傳



昔有玉女乘車自投此泉今人時見女子姿儀光麗  
往來倏忽

沌陽縣至沔口水北有却月城西一里有馬騎城周  
廻五里高一丈

富陽縣城樓王仲宣登之而作賦

富陽東南七十里有楚昭王墓登樓則見所謂昭丘  
郡西泝江六十里南岸有山名曰虎牙二山相對楚  
之西塞也荆門上合下開開達山南有門之形故曰  
荆門

江陵有潛室人時見之輒有兵寇



湘中記

晉 羅含

九疑在營道縣與北山相似行者疑惑故名之

衡山近望如陣雲沿湘千里九向九背

衡山九疑皆有舜廟太守至官常遣戶曹致祀則如  
聞絃歌之聲

湘水至清雖深五六丈見底了了然其石子如檣蒲  
大五色鮮明白沙如霜雪赤岸若朝霞

營水泝水灌水祁水春水永水來水淥水連水倒水



湘中記  
瀉水伯水資水皆注湘

曲江縣有銀山山常多素霧

屈潭之左玉笥山屈平之放棹於此山而作九歌  
宿當軫翼度應機衡故曰衡山山有錦石斐然成文  
衡山有懸泉滴瀝崑間聲冷冷如絃有白鶴迴翔其  
上如舞

衡陽縣東二十里有鄴湖周二十里深八尺湛然綠  
色土人取以釀酒其味醇美

益陽有昭潭其下無底湘水最深處也或謂周昭王  
南征不復沒於此潭因以爲名

都溪又西北流入營水謂之菁口

郴縣南有義帝廟百姓祭之

文斤山上有石床方高一丈四面綠竹扶疎常隨風  
委拂

臨水經臨賀縣東又南至郡左合賀水

君山有地道楂渚對岸古城孫權遣程普所立  
耒陽縣北有蔡倫宅宅西有一石曰云是倫春紙曰  
也



祝融峯上有青玉壇方五丈有蓋香峯行道處

武陵記

鮑堅

武山

武山高可萬仞山半有盤瓠石窟中有一石狗形云是盤瓠之遺像又有斑蛇四眼身大十圍山有水出謂之武溪是也在縣之西

黃聞山

昔有臨沅黃道真住黃聞山側釣魚因入桃花源陶潛有桃花記今山下有潭名黃聞此蓋聞道真所說



遂爲其名也

風門山

風門山有石門去地百餘丈每欲風起此門先有黑  
若烟隱而上斯須風起竟入

石帆山

石帆山危起若數百幅帆形

虎齒山

虎齒山形如虎齒民嘗六月祭之不然輒有虎害

武陵山

武陵山中有秦避世人居之尋水號曰桃花源故陶  
潛有桃花源記



漢南記

張瑩

大人夷服

安帝見銅人以問侍中張陵對曰昔秦始皇有大人  
十二身長五尺履六尺皆夷狄之服見於臨洮此天  
將亡秦之證而始皇誤喜以為瑞乃鑄銅人以為像  
上曰何以知之對曰臣見傳載亦其人胸上有銘

乘使者車

郭丹絕跡弃軍纏節裏傳從武關出謁更始歎曰不



乘使者車不出關矣

古楚子國

荆華二山絕漢水而南至江西距劍閣盡其地也古楚子國

石堪爲硯

江州蔡子池南有石穴深二百許丈石色青堪爲書硯

漢臯解珮

列仙傳云江妃二女游漢臯見鄭交甫遂解珮與之

交甫受珮而去數十步懷中無珮女亦不見

推居與弟

陰慶爲銅陽侯其弟員及丹皆爲郎慶以明尚書修儒術推居第園田奴婢錢悉分與員丹慶但佩印綬而已當代稱之



南雍州記

晉 王韶

太和山

武當山山高巖峻若博山香爐若亭峻極于霄出霧  
學道者常百數相繼不絕若有於此山學者心有隆  
替輒為獸所逐

粉水

蕭何夫人漬粉處也

酒泉



南苑小言  
福祿城謝艾所築下有金泉味如酒有人飲此泉水  
見有金色從山中照水往取得金故名

辛居士家

辛居士名宣仲家貧春月鬻筍充腸酌截竹爲罌用  
充盛置人問其故宣仲曰我惟愛竹好酒欲令二物  
常相並耳

諸葛故宅

隆中諸葛亮故宅有舊井一今涸無水盛弘之記云  
井深五丈廣五尺堂前有三間屋地基址極高云是

孔明避暑臺宅西山臨水孔明常登之鼓琴以爲梁  
父吟因名此爲樂山先有人家居此宅衰歿滅亡後  
人不敢復憇焉齊建武中有人修井得一石枕高一  
尺二寸長九寸獻晉安王習鑿齒又爲宅銘

樂善臺

高齋之後有堂堂西有射堂五間射堂南有大池池  
上有臺名曰樂善臺



安城記

王孚

昔豫章太守賈萌與安城侯張普爭戰于新茨之野  
卽茲地也

郡渚江川發源同會落亭石上有芝草下有紫磨金  
也

鍾山臨水阻峽春夏則湍洑沸涌瀆上白砂如米兩  
各十餘斛呼曰米砂以之候歲若一岸偏饒則其方  
豐穰



安城記  
羅宵山有石井天旱祠之以木投井中卽雨至井溢  
木出乃雨止

安城南三十里電都泉其電或出否亦不爲靈異  
縣人有謝廩者山行歸路忽遇雲霧霧中有一人乘  
龜而行廩知神人拜請求隨去父曰汝無仙骨不得  
去也

宜都建平二郡之界有五六峯參差互出上有倚石  
如二人像攘袂相對俗謂二郡督郵爭界於此

萍鄉西津名玉女岡天當雨輒先涌五色氣于石間  
俗謂玉女被衣

萍鄉羅宵山澤水所出傍出石乳天旱吏人禱之因  
以大木長三四丈投井中卽雨水懸輳井溢輒令木  
涌出而雨止蓋潛龍之穴也



南康記

晉 鄧德明

神闕

南康縣歸義山去縣七百里下有石城高數丈遠望  
嵯峨靈闕騰空故老謂之神闕

金鷄

雲都縣有金鷄石傍有穴宋永初中見金鷄棲翔此  
穴頗時飛鳴又云覆笥山平湖有石鴈浮在水每至  
炎氣代序則飛翔若知感候



梓樹

梓潭昔有梓樹巨圍葉廣丈餘垂柯數畝吳王伐樹作船使童男女挽之船自飛下男女皆溺死至今潭中時有歌唱之音

石桃

南康五山有石桃故老云古有寒桃生於巔顛隱淪之上將大取其實因變成石焉

鸚鳥

歸美山有石室色如黃金號為金室有鸚鳥形色

潔自愛羽毛其隻者或鑿水向影悲鳴自絕方知孤鸞對鏡為不虛矣

玉臺

雩都君山上有玉臺方廣數丈週迴盡是白石柱柱自然石覆如屋形也四面多松杉遙眺峨峨嚮像羽人之館風雨之後景氣明淨頗聞山上有鼓吹之聲山都木客為舞唱之節

青竹杖

南野縣有漢監匠陳隣其人通靈夜嘗乘龍還家其



婦懷身母疑與外人通密看乃知是隣乘龍龍至家  
輒化青竹杖隣內致戶前母不知因將杖去湏臾光  
彩滿堂俄爾飛失杖乃御雙鵠還

潯陽四隱

晉翟莊字祖休湯之子以孝友著名守父操州致禮  
命金不就莊子矯亦高節家居無事好種竹辟命屢  
至嘆曰吾焉能易吾種竹之心以從事於籠鳥盆魚  
之間哉竟不就矯子法賜節槩尤佳武帝以散騎郎  
召容勉之就聘乃正色曰吾家不仕四世矣使白璧

點污可乎亦不從之祖父子孫皆有行義世稱潯陽  
四隱



潯陽記

晉 張僧鑒

廬山頂上有湖廣數頃有楊梅山桃止得於上飽噉  
不得將去

廬山西南有康王谷又有北嶺城天欲雨輒聞鼓角  
簫管之聲

鷄籠山下澗中有數處累石若有人功水深尺餘  
朝夕輒有湧泉溢出如潮水時刻不差朔望尤大號  
爲潮泉



濬陽記  
濬城灌嬰所築建安中孫權經此城自標井地令人掘之正得故井有石銘云漢六年穎陰侯所開卜云三百年當塞塞後不滿百年當爲應運者所開權見銘欣悅以爲已瑞時咸異之井甚深大江有風浪此井輒動土人呼爲浪井

稽亭北瞰大江南望高岳淹留遠客因以爲名焉  
潯陽城東門通大橋常有蛟爲百姓害董奉疏符泥水中少見一蛟死浮出

黃金山有栴樹一年東邊榮西邊枯後年西邊榮東邊枯年年如此張華曰交讓者此是也

麻姑山上人登之有物人形眼鼻口面無臂脚俗名之楓子鬼



鄱陽記

晉 劉澄之

清灣

清灣在縣東南七里隋開皇中太守梁文謙涖官清潔取此灣水以自供後人思其德號爲清灣

沙堆

新昌水有一沙堆在縣東北五十里其形狀如覆船鮮淨特異每年豐稔其沙卽堆積如舊若砂移向岸其年儉古來相傳以爲常驗



白雲城

白雲在縣西南旁對干越亭而峙焉跨古城之危瞰  
長江之深隋州刺史劉長卿題詩曰孤城上與白雲  
齊因以白雲爲名

三鐵鑊

弋陽嶺上多密岩宋元嘉中有人見其岩內三鐵鑊  
鑊各容百斛中生蓮花他人往尋不知所在

望夫岡

鄱陽西有望夫岡昔縣人陳明與梅氏爲姻未成而

妖魅詐迎婦去明請卜者決云西北行五十里求之  
明如言見大穴深邃無底以繩懸入遂得其婦乃令  
婦先出而明所將隣人秦文遂不取明其妻乃自誓  
執志登此岡首而望其夫因以名焉



九江志

晉 何晏

神泉

廬山錦綉峯下有神泉宋紹興間皇甫履隱斯山高  
宗名其居曰清虛菴光宗在東宮問履所乏履曰但  
水差遠光宗特書神泉二字履持歸菴傍穿小井方  
施叅鍾而泉遂出故名

湓城

青湓山有井形如盆因號湓水城曰湓城浦曰湓浦



江州故有湓江

匡廬

匡谷先生姓匡名谷商周之際遜世隱居廬於廬山故號匡廬

泉穴

東興人家曾以木甃沉井中乃流出連樊溪甘渚得之此泉穴相通也又曰五章山絕崑嶮峭有密蜂依之為房其形如笠望者皆懸磴數丈然後得至其所矣

石人

虛谷東英巨山巖內有石人坐磐石上體上塵穢則興風濕潤則致雨晴日便舉體鮮潔朗然玉淨



丹陽記

晉 山謙之

慈母山

江寧縣南三十里有慈母山積石臨江生簫管竹自  
伶倫采竹嶰谷其後惟此簫見珍故歷代常給樂府  
而俗呼鼓吹山今慈湖戍常禁采之王褒洞蕭卽稱  
此也其竹圓緻異於衆處

烈洲

江寧烈洲吳舊津所也內有小水堪泊船商客多停

丹陽記



以避烈風故以名焉王濬伐吳宿於此簡文爲相時  
會桓玄之所也亦曰溧洲洲上有山山形似栗伏滔  
北征賦謂之烈燭

蔣山

京師南北並有連嶺而蔣山獨隆巖峻異其形象龍  
實陽都之鎮也

新亭

京師三亭新亭吳舊亭也故基淪毀隆安中丹陽尹  
司馬恢移創今地謝石創征虜三吳縉紳創冶亭並

太元中

石城

石頭城吳時悉土塢義熙初始加磚累甃因山以爲  
城因江以爲池地形險固尤有奇勢亦謂之石首城  
也

蔣陵

蔣陵因山以爲名吳大帝陵也

張侯橋

大長安道西張侯橋者本張子布宅處也



會稽記

晉 孔曄

軼雲蔽日

四明山高峯軼雲連岫蔽日

秦望

會稽秦望山爲衆峯之傑陟境便見史記云秦始皇登之以望南海自平地以取山頂七里縣磴孤危峭路險絕記云扳蘿捫葛然後能升山上無高木當由地迥多風所致山南有巉峴峴裏有大城越王無餘



之舊都也

映發

會稽境特多名山水峯嶸隆峻吐納雲霧松栝楓柏  
摧榦竦條澄壑鏡徹清流寫注

白樓

江夏太守宋輔於重山南白樓亭立學教授沛國桓  
儼避地至會稽聞陳業賢而往候之不見臨去入交  
州畱書繫白樓亭柱而別

孫興公許玄度共在白樓亭共商畧先往名達林公  
既非所關聽訖云二賢故自有才情亭在山陰臨流  
映壑也



永嘉郡記

晉 鄭緝之

三原灣

樂城縣三原亭去郡百二十里溪水清如鏡曩昔有  
得一死鮎者鬻大五六圍一鬻輒得數十斛鮎此灣  
無所不容有人能食者常自譬腹如三原灣無所不  
容

竹青

青田縣有草葉似竹可染碧名爲竹青此地所豐草



故名青田

青田鶴

有沐溪野去青田九里中有雙白鶴年年生子長大  
便去只恒餘父母一隻耳精白可愛多云神仙所養  
浮丘公相鶴經云青田之鶴

竹中高士

樂成張廌者隱居願志家有苦竹數十頃在竹中爲  
屋常居其中王右軍聞而造之廌逃避竹中不與相  
見郡號爲竹中高士

官梨

青田村人家多種梨樹名曰官梨子大一圍五寸恒  
以供獻名爲御梨吏司守視土人有未知味者梨實  
落至地卽融汁



三齊畧記

晉 伏琛

堯山在廣固城西七里堯巡狩所登遂以爲名山頂立祠祠邊有栢樹枯而復生不知幾代樹也

臺城東南有蒲臺臺高八丈秦始皇所頓處在臺下縈馬至今蒲生猶縈似水楊而堪爲箭

陽城山石盡起立嶷嶷東傾狀如相隨行青翠可掬也

海上蜃氣時結樓臺名海市



不夜城在陽廷東南蓋古有晝夜出此城以不夜名  
異之也

秦始皇於海中作石橋海神爲之豎柱始皇求爲相  
見神云我形醜莫圖我形當與帝相見乃入海四十  
里見海神左右莫動手工人潛以腳畫其狀神怒曰  
帝負約速去始皇轉馬還前脚猶立後脚隨崩僅得  
登岸畫者溺死於海衆山之石皆傾注今猶岌岌東  
趣

曲城齊城東有萬歲水水北有萬歲亭

鄭司農常居不其城南山中教授黃巾亂乃避遣生  
徒崔琰王經諸賢於此揮涕而散所居山下草如薤  
葉長尺餘堅韌異常土人呼爲康成書帶草

始皇祭青城山築石城入海三十里射魚水變色如  
血者數里于今猶爾



南越志

沈懷遠

南越之地斗牛之分揚州之末土也南有大山是爲秦望又有石匱峻起壁立內有金簡玉字夏禹得之以知百川之理也

秦二世五星會于南斗牛南海尉任囂知其偏霸之氣遂有志焉病且死召真定人趙他行南海尉事故今呼爲尉佗漢高帝遣陸賈立爲南越王

衡陽湘鄉縣有石魚山下多玄石石色黑而理若雲



毋發開一重輒有魚形鱗鱗首尾宛若刻畫長數寸魚形備足燒之作魚膏腥因以名之

廣州石門之水俗云經大庾則清穢之氣分飲石門則緇素之質變卽吳隱之酌飲之所也

昔有懶婦睡機上姑怒之遂走投水化爲奇獸一枚可得脂三四斛燃之照紡績則暗照歌舞則明習懶之性不革也今安平七源等州峒俱有狀如山猪而小喜食苗田夫以杼軸之頰掛於田頭則不敢復近矣

番禺縣有番禺二山因以爲名

潮陽南有小水注海濱帶曾山其中多文具可以解毒

高安石室自生風峒南北二門狀若人功意者以爲仙都又曰高安有竦石廣六十餘丈高二百許仞土人謂之嵩臺

端溪俚人岑班入山遇一寶珠徑五寸取還夜光明照燭俚人甚懼以火燒之雖小損猶照一室

益元縣利山上多香林又曰威寧縣有穿州其上多



珠有九品大五分以上至一寸八九分爲大品有光彩一邊小平似覆釜者名璫珠璫珠之次爲走珠走珠之次爲滑珠滑珠之次爲礫礫礫之次爲官雨珠官雨珠之次爲稅珠稅珠之次爲葱符珠

越王鳥狀以鳶口勾末可受二升許南人以爲酒器珍於文螺不踐地不飲江湖不啜百草不下餌蟲魚唯噉木葉糞似薰陸香南人遇之旣以爲香又治雜瘡

綸木似穀皮可以爲綿

寧浦郡東南有蘇摩嶠

馬援鑿通九真山又積石爲坻以遏海波由是不復過漲海又曰軍安縣女子趙姬嘗在山中聚結群黨攻掠郡縣着金箱齒屐恒及象頭鬪戰



廣州記

晉 顧微

廣州廳事梁上畫五羊像又作五穀囊隨像懸之云  
昔高固爲楚相五羊啣穀萃於楚庭故圖其像爲瑞  
六國時廣州屬楚

桂父常食桂葉見知其神尊事之一旦與鄉曲別飄  
然入雲

鬱林郡山東南有一池池邊有一石牛人祀之若旱  
百姓殺牛祈雨以牛血和泥泥石牛背禮畢則天雨



太注洗牛背泥盡卽晴

百管谿周迴丈餘水極沸涌如猛火煎油聲

海中有文魮鳥頭尾鳴似磬而生玉又曰海中多朱  
鼈狀如肺有四眼六脚而吐珠

平定縣東巨海有驛馬似馬牛尾一角又云平定縣  
巨海有水犀似牛其出入有光水爲之開

熙安縣東南有固岡高數十丈岡西面爲羊腸道說  
者云尉陀登此望漢

海中有大珠明月珠水精珠

懷化郡掘塹得石墨甚多精好寫書人山中多出朱  
石亦可以入朱硯中使

益智葉如襄荷莖如竹箭子從心中出一枝有十子  
內白骨四破去之取外皮蜜煮爲粽子味辛

熙安縣有孤古度樹生其號曰古度俗人無子於祠  
灸其乳則生男以金帛報之

五子樹實如梨裏有五核因名五子治霍亂金瘡  
熙安縣東北有菖蒲澗盤石上水從上過味甘冷異  
于常流



蠻夷不蚕採木綿爲絮

藤類有十許種續斷草藤也一日諾藤一日水藤山行渴則斷取汁飲之治人體有損絕沫則長髮去地一丈斷之輒便生根至地永不死

鬼目益知直爾不可噉可爲漿也

鬼目樹似棠梨葉葉如楮皮白樹高大如木瓜而小耶傾不周正味酢九月熟又有草昧子亦如之如可爲糝用其草似鬼目

雍菜生水中可以爲菹也

山有鳳鸞棲宿食其實山東有溪曰羅陽永泰中暑雨漲有一竹葉若芭蕉葉大隨水出



廣志

晉 郭義恭

木實曰檳榔樹無枝畧如桂其顛生穉而秀生棘針重疊其下彼方珍之以為口實亦出交趾

龍眼樹葉似荔枝蔓延綠木生子大如酸棗色異純甜無酸

荔枝青華朱實核黃黑似熟蓮子實白如肪甘而多汁似安石榴

薇蕪香草魏武帝以藏衣中蕙草綠葉紫花魏武帝



廣志  
以爲香燒之安息雀舉頭高八九尺張翅丈餘食大  
麥卵如瓮

白玉美者可以照面出交州青玉出倭國赤玉出夫  
餘瑜玉玄玉水蒼玉皆佩用

莫難珠其色黃生東夷又有明珠又有夜光大珠皆  
徑寸或圍二寸已上出黃支形至圓置之平地終日  
不停

臨邛有粉井得水汰粉則益光

獨木之橋曰榷亦曰杓

珠崖人皆巢居珠崖傳曰男女皆推紛或破髮徒跣  
有黃甘一核有成都平蒂甘大如升色蒼黃健爲南  
安縣出黃甘

蜀名梅爲蓀大如鴈子海蓀皆可以爲油黃梅以熟  
蓀作之

黍有燕頷之民又有驢皮黍又曰牛黍南尾秀成赤  
黍馬草大黑黍或云秬黍有溫屯黃黍

宛鶉大於北鶉以供御

有雉鷹有菟鷹一歲爲黃鷹二歲撫鷹三歲青鷹胡



鷹獲麀

鷄有胡髯五指金骹反翅之種大者蜀小者荆白鷄  
金骹者美并州所獻吳中送長鳴鷄長倍於常鷄永  
昌郡無鷄

林檎似赤奈子亦名黑禽亦名來禽言味甘熟則來  
禽也

榮陽有白杏鄴中有赤杏有奈杏

陳倉胡桃薄皮多肌陰平胡桃大而皮脆急促碎

有黃甘一核有成都平蒂甘大如升色蒼黃健爲南

安縣出黃甘

蜀漢旣繁芋民以爲資凡十四芋有君子芋大如斗  
魁有百果芋魁大子繁多畝收百斛種一百畝葉以  
養蔬

瓜之所出以遼東廬江燉煌之種爲美有烏瓜魚瓜  
狸頭瓜蜜筍瓜女臂瓜龍蹄瓜羊髓瓜縑瓜瓜州大  
瓜如斛御瓜也有青登瓜大如三斗魁有桂枝瓜長  
二尺餘蜀地溫良瓜冬熟有春日瓜細小小瓣宜藏  
正月種三月熟有秋泉瓜秋種十月熟形如羊角色



蒼黑

永昌有漢竹圍三尺餘大者一節受一斛小者數升  
爲楔榼

洛陽北邙張公夏梨海內唯一樹常山真定梨山  
陽鉅野梨梁國睢陽梨齊郡臨淄梨廣都梨又云鉅  
鹿豪梨重六斤教人分食之上黨檉梨小而加甘新  
豐箭谷梨關以西弘農京兆右揆風界諸谷中梨多  
供御陽城秋梨夏梨

河東安邑棗東郡穀城紫棗長二寸西王母棗大如  
李核三月熟在衆果之先洛陽宮後園河內汲郡棗  
一名墟棗一名安益棗東海蒸棗洛陽夏后棗安平  
信都大棗單父棗梁國夫人棗大白棗一名曰蹇咨  
小核多肌三星棗駢白棗灌棗此四者官園所種棗  
有狗牙鷄心牛頭羊矢獼猴細股之名又有玄棗大  
棗崎廉棗桂棗夕棗之名



番禺雜記

唐 鄭熊

番禺二山名廣州昔有五仙騎五羊而至遂名五羊  
嶺表或見物自空而下始如彈丸漸如車輪遂四散  
人中之卽病謂之瘴母

海邊時有鬼市半夜而合鷄鳴而散人從之多得異  
物

村民鑿山爲穴多品供雷冀雷享之名雷藏

早潮下晚潮上而水相合日沓潮



乘風而行名蠶帆其衆如箒箒名蠶箒

閩越江北山間蠻夷啖蚯蚓脯爲羞容州人好食葢  
土人以爲諱或云以蚯蚓爲之

菖蒲澗昔刺史陸胤之所開也至今重之每旦輒傾  
州連汲以充日用雖有井泉不足食大元中襄陽羅  
友累石測側容百許人坐遊之者以爲洗心之域咸  
安中姚成甫嘗採菊澗側遇一丈夫謂成甫曰此澗  
菖蒲昔安期生所餌可以忘老於是徊翔俯仰倏然  
不知所終蓋仙者焉

交趾之地最爲膏腴舊有君長曰雄王其佐曰雄侯  
其地曰雄田

犍爲夔道廣南荔枝熟時百鳥肥其名之曰焦核小  
次日春花次日朝偈此三種爲美次鱉耶大而酸以  
爲醢和率生稻田間



始興記

晉 王韶

郡東有玉山艸木滋茂泉石澄徹

秦貴陽縣閣下鼓自奔逸於臨武因名聖鼓今臨武有聖鼓城

始興城西百餘步有棲霞樓臨川王營置清暑遊焉羅君章居之因名爲羅公洲樓下洲上菓竹交蔭長楊傍映高梧前踈雖卽城隍趣同丘壑  
含涯有三城白沙城馬鞍城白鹿城



舍涯有白鹿城晉咸康中郡人張魴作令十年甚有  
惠政白鹿群遊取一而獻之故以爲名

舍涯縣有堯山堯巡狩至于此立行臺也

縣下流有石室內有懸石扣之聲若磬響十餘里

秦鑿楊山桂楊山閣下鼓便自奔逸息于臨武遂之  
始興洛陽遂名聖鼓

桂陽貞女峽傳云秦世有數女取螺於此遇風雨一  
女忽化爲石人今形高七尺狀如女子

英德一名瀆陽峽崖壁千仞猿狖不能攀昔有樵者

見飛仙於此



林邑記

闕名

檳榔樹大圍丈餘高十餘丈皮似青銅節如斑竹下  
本不大上末不小遠近爲林千萬若一森秀無柯端  
頂有葉其葉蒂條派開破仰望沙沙如彈藜蕉於竹  
杪風至獨動似舉羽扇之掃天葉下繫數房房綴十  
數子家有數百樹雲疎如墜繩也  
西南遠界有靈鷲能知吉凶覘人將死食屍肉盡乃  
去家人取骨燒爲灰投之于水



飛魚翼如蟬飛則凌雲沉泳海底

延袤六十里土多香木金寶物產大抵與交趾同以  
磚爲城層炭塗之皆開北戶以向日或東西無定

王范文鑄銅爲牛銅屋行宮

林邑王 明達獻金鋼指環

從林邑往金山三十餘里遠望金山嵯峨而赤城照  
躍似天澗壑谷中亦有生金形如虫豸細者似蒼蠅  
大者若蜂蟬夜行燿光如螢火

王范文先是夷奴初牧牛洞中得鯉魚私將還欲食

之其主檢求文恐給曰將礪石還非魚也主往看果  
是石文知異看石有鐵鑄石爲兩刀祝曰魚爲刀若  
斫石入者文當爲此國王斫石卽入人情漸附之



涼州記

晉 段龜龍

瑪瑙鍾榼

呂纂咸寧三年胡人發張駿冢得玉簫玉尊玉笛瑪  
瑙鍾榼

同心梨

呂光時燉煌太守宋歆獻同心之梨

涼州樂

溫子昇涼州樂歌遠游武威郡遠皇始滅城車馬相



涼州記  
交錯歌吹日縱橫

寒服暑啜

高昌僻土有異於華寒服冷水暑啜羅閣羅閣郡人呼粥也

冬溫夏涼

祁連山張掖酒泉二界之上東西二百里南北百餘里山中冬溫夏涼宜牧牛乳酪濃好夏寫酪不用器物刈草着其上不散酥特好酪一斛得升餘酥又有仙人樹行人山中飢渴者輒食之飽不得持忒平居

不可見

鹽池出石

有青鹽池出鹽正方半寸其形似石甚甜美

沈布舞馬

呂光麟嘉五年踈勒王獻大沈布善舞馬

玉璽

呂光時州人陳冲得玉璽廣三寸長四寸直看無文字向日視之字在腹裏言光當王



交州記

晉 劉欣期

竹鼠

竹鼠如小貓大食竹根出封溪縣

金躡屐

趙姬者九真軍安縣女子乳長數尺不家入山聚群  
盜常着金檣躡屐

古度樹

古度樹不花而實實從皮中出大如安石榴色赤可



食其實中如有蒲梨者取之爲粽數日不煮皆化成  
蟲如蟻有翼穿皮飛出著屋正黑

多感子

多感子黃色圍一寸

柳漿

柳子有漿截花以竹筒承其汁作酒飲之亦醉也

合浦杉

合浦東二百里有一杉樹葉落入風入洛陽城內漢  
時善相者云此休徵當出王者故遣千人伐樹役夫

多死三百人坐斷株上食過足相容

土肉爲臙

九真太守陶璜立郡築城於土穴中得一白色形似  
蚕蛹無頭長數十丈大餘圍軟軟動莫能名剖腹有  
肉如猪豚遂以爲臙甚香羹璜啖一杯三軍盡食

鬻灸

鬻魚其形如龜十二足子如麻子可爲醬色黑足似  
蟹在腹雌負雄而行南方作灸噉之



沙州記

段國

龍涸

六月二十六日發龍涸晝夜蕭蕭常寒不復得脫襦袴將從七十二人面盡黎黑口唇青紫

白馬關

龍涸北四十里有白馬關關甚嶮峻使十八人固險雖萬夫亦不能前

河屬



沙州記  
吐谷渾於河上作橋謂之河厲長一百五十步勾欄甚嚴飾

洮水

洮水出強臺山又曰山東卽洮水源山南卽墊江源也

麻壘

抱罕城西有麻壘壘中可容萬衆

仇池山

仇池山號百頃上有百頃池壁立百仞一人守道萬

夫莫回

鳥鼠

鳥鼠同穴山鳥如豕雀色小白鼠小黃而無尾凡同穴地皆肥沃壤盡軟熟如人耕多生黃花紫草







